

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Disputatio Theologica Solennis De Termino Salutis
Humanae Peremptorio**

**Neumann, Johann Georg
Green, Georg Sigismund**

Vitembergae, 1700

§. X

urn:nbn:de:bsz:31-105555

XII. Idem apologia repetit, & addita quadam exegesi illustrat: *Lapsis post Baptismum contingere potest remissio peccatorum, quocumque tempore, & quotiescunque convertuntur. p. 161. & Art. Smalcaldici: Hac penitentia in Christianis durat usque ad mortem, quia luctatur cum peccato residuo in carne per totam vitam &c. p. 327.* Quod si hoc fidei vinculum illibatum ac saluum esse vellent Novatores, vel ideo debebant ab his similibusque καυοφωvίας abstinere.

§. X.

Ac I. quidem in limine impingunt, quod summum hoc tremendumque mysterium: de hominis Salute, modo ex conjecturis humanæ rationis dijudicent, quæ tamen in spiritualibus cæca omnino & stolidi est: *1. Cor. II, 14.* modo ex Lege definiant, quæ & ipsa gratiam & salutem nostram ignorat: *Rom. X, 5, 6. Phil. 3, 9.* modo autem certitudinem salutis ex operibus hominum externis præsumant, in quibus dignoscendis vel grandævum aliquando Sacerdotem cespitasse, constat, *1. Sam. 1, 13.* Inprimis autem observes, quod gratiæ & salutis nostræ causas non ex Evangelio revelato, quippe quod velut securitatis asyllum, parcius tractandum censent; sed ex arcano abstrusoque DEI consilio derivent, & in redubia ad hoc semper provocent: ad quod tamen Divus Apostolus ipse, velut ad *abyssum contremiscit ac pavet*, *Rom. XI, 32.* Singula hæc breviter ac nervose Formula Concordiæ comprehendit, atque instar cynosuræ proponit, in quæstione: *quomodo & unde cognosci possit, quinam sint electi?* Sic autem pergit: *De hac quæstione non judicandum ex rationis nostræ sententia: sed neque ex Lege: neque ex ulla aliqua externa specie. Et cavendum est, ne absconditam & occultissimam abyssum divine predestinationis pervestigare conemur. Quin potius in revelatam DEI voluntatem intueri nos oportet. Et enim certos nos reddidit de mysterio sue voluntatis; idque ex arcano illo consilio suo*

per Christum in lucem produci curavit, ut publice predicaretur. *Eph. 1, 9. 2. Tim. 1, 9. 10.* Vid. p. 804. seq. Quod monitum si penſi habuiſſent Diſſentientes; hos omnes ſcopulos facile erant evitaturi. Sic ergo libri Symbolici, aliquando contemptores ſuos graviffime ulciſcuntur.

§. XI.

Cæterum & illud II. undiquaque obſerves; officium Legis atque Evangelii ab utroque Diſſentientium non diſtingvi. Quæ adeo confuſio, ut plurimos, per omnia ſecula, errores, ſic monſtroſiſſimum hunc terminum ſalutis peperit. Lex enim, uti conſtat, terret, iram operatur, maledictionem item, pœnasque temporales juxta ac æternas homini interminat. Unde etiam *διανομία τῆς θανάτου*, Apoſtolo dicitur *2. Cor. 3, 7.* Et hanc quidem indolem a prima ſtatim promulgatione habuit: ut prævaricatori ſingulis horis ac momentis, gratiam ſalutemque æternam adimat; dicente DEO: *Quocunqve die comedes de arbore vetita, morte morieris. Gen. 2, 17.* Jam illi noſtri gratiæ diviniæ oſores, oracula Legalia coacervant, & quaſi nullum Evangelium promulgatum ſit, aut certe potentiam ſalvandi amiſerit, ex comminatione & fulmine Legis, terminum ſalutis homini figunt. Quod ſi Legis vim exaggerare velint, & ſepoſito Evangelio, de hominis ſalute ferre ſententiam; non erat, cur in adultam ætatem protenderent hunc ſalutis terminum; cum ipſius infantia & cujuſvis juventutis peccata mortem æternam mereantur. *Qui enim peccaverit in uno; τῆς αἰῶνος, leviter ſaltem offenderit, factus eſt omnium reus. Jac. 1, 10.* Et cur ex rigore Legis, non ponunt ſalutis terminum in ipſo conceptionis momento? cum *in iniquitate conceptum, & in primo matris calore peccato ſe inquinatum confiteatur*, Regius Propheta; ideoque *projectum ſe a facie DEI agnoſcit. Pſalm. 51, 7. 13.* Sed negat terminum hujusmodi fatalem Pſalmes, ob
multi-